



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

III. Die Avgvsti.

**urn:nbn:de:hbz:466:1-9625**

## III. DIE AVGVSTI.

P. P E T R V S  
DE MOLINA.

**A** Magnis animis, quos gerebat, *Amilius* cognomentum adeptus, etiam in Societate postea nihil à pristino animi vigore elanguit. In classica missione, item in Africa, miro ardore versatus, non paucos ad Christi fidem adduxit Mauros, atque Indaos, ac alios. Granatam redux ad Xenodochium illicò euolauit, vt sauciis ope omni adesset: in qua charitatis exercitatione mors illum gloriosa oppressit. A morte, quidam in arcto positus, & animo prostratus, dixit sibi illum adesse visum, seq̄ue ab illo ad id quod patiebatur fortiter ferendum animatum, eo ferè modo quo Petrus cum inter vinos ageret facere id solebat, solatij ac leuamenti plurimum accepisse. Hoc extincto, secuti eum sunt 16. Augusti P. *Marcus Antonius*; & 18. Aug. P. *Franciscus de Cuellar*; vterque luc ab iis quos inuabant haustâ contactus: & vterque vnâ cum P. Petro post mortem visus dicitur magno splendore circumdatus.

M A R T I N V S  
BECCHAERT SCHOL.

**S**ilentij per omne tempus quo nobiscum fuit, aded amans fuit, vt illud nullo vnquam verbo violare sit auditus. Regularum attentus custos, ita vt non solum ipse nunquam in illarum vllam delinquere sit visus, verum & vultu mœrorem monstrârit, si minus religiosè à quopiâ obseruaren-

tur. Ad Societatem venit amore Beatissimæ Virginis, quòd eius cultum in Societate vigere videret, ac Societatem illi cordi esse intelligeret, eâ spe ductus fore vt ipse quoque hic illam enixius posset colere & amare. Ternas & subinde quaternas horas ducebat orando, amabili compositione piæ modestiæ. Festo quouis die tribus sacrificijs intererat: & à Sancta synaxi precepta tres horæ partes in reddendis gratiis ponebat; idque constanter cum etiam aliàs tam ipse crebrò SS. Sacramentum inuiseret, quàm alios ad idem inuitaret. *Eamus*, aiebat, *eamus*; nec enim satis laudare possumus dominum Deum nostrum. De se nunquam bene, de aliis malè nunquam loqui auditus est, etiamsi fortè læderetur. Prima surgentis & vltima cubitum concedentis occupatio erat à Beatissima Virgine, quemadmodum solet à matre benè moratus filius, benedictionem gestu supplici flagitare. Aiebat quinque se à Deo postulare. 1. vt moreretur antequam periculosus cum proximo congressibus inuolueretur. 2. vt in Societate Iesv. 3. vt sibi benè compos. 4. vt mane ante sacrificia inchoata. 5. Infra octauam S. P. Ignatij. Omnia obtinuit.

G E O R G I V S  
GILBERTVS NOVITVS.

**H**unc extremâ valetudine lecto affixum, idque flagitanti, prapositionis Generalis ad Societatem atque ad religiosa vora admisit, eaque ipse nuncupauit. In Anglia primum nostris hospitio, & liberalitate ad omnia porrectâ

Vocatio.

B V.

Oratio.

Euchar.

Lingua.

B. P.

Anglus Romanus Incerto die. 1582. Soc. 1.

Germanus Hales. August. 1714. Soc. 86.

Mortific.

3. August. Hispanus Granatæ. 1600. Soc. 19.

Charitas.

Mort.

Charitas.

Hispanus Kizuki. Aug. 1590. Soc. 19. Fides.

Belga Lo. uanij. 1621. Aug. 1714. Soc. 3.

Regula.



porrectâ excepit, omnia quæ illis ex  
vultu erant, etiam libros typumque cu-  
rauit Romæ in Collegio Anglicano  
magnâ ad leges omnes per sanctè ser-  
uandas attentione vixit, pudicissimæ  
modestiae, orandi, seque macerandi  
studio, sed ante omnia obedientiæ, ad-  
dictus. Fessus est cuidam, Beatissimam  
Virginem sereno aliquando ac suavi  
vultu sibi videri visam, quod obedienti-  
æ se accommodasset, cum eandem  
paulò ante seueriore vultu veluti tri-  
stem vidisset, quod Georgius in re ne-  
scio qua suæ sententiæ præ alienâ ni-  
mioperè adhæsisset. Officium B.V. re-  
citabat quotidie. Martyrij longè erat  
cupidissimus. Omnes in cælo cælites  
persæpè visabat; authorque erat etiam  
aliis vt id facerēt, & interrogabat San-  
ctos singulos vnde illis ea gloria? &  
respondentes audiebat: E.G. S. Fran-  
ciscum; ex humilitate & paupertate;  
S. Stephanum, ex lapidum perpeffione  
&c. Eo mortuo magnum Angliæ  
præsidium in illo amissum dixit Pon-

Obedient.  
S.V.

Omnes San-  
cti.

tifex. Sepultus est in tyronum loco, vt  
Nouitius. Octingenti aurei, quos ty-  
rocinio legarat. Alano missi ad Anglo-  
rum calamitates subleuandas.

## P. BRIANTHVS CANSFELDVS.

Odio sui, & contemptione, Ca-  
tholicisque apud Anglos labori-  
bus fuit egregius. Inter celebrandum  
sacrum deprehensus, & ad Iudicem in  
sacrificali veste, inde ad carcerem,  
abreptus, ibique pessimis modis habi-  
tus, cum existimaretur Iudicis vxo-  
rem ad fidem Catholicam conuertisse  
(quæ tamen non illius, verum alterius  
de Societate Patris operâ Orthodo-  
xam fidem agnouerat) errore postea  
detecto dimissus ille quidem est, at  
earum perpeffione ærumnarum vale-  
tudine adeò quassatâ, vt vno ferè post  
mense diem extremum finierit.

Anglus E-  
boraci. 3.  
Aug. 1643.  
arat. 65.  
Soc. 39.

## IV. DIE AVGVSTI.

### P E T R V S GOMEZ. COAD.

4. Augst.  
Hispanus  
Compluci.  
1565. Soc 5.

PARENTES habuit artifices Petrus.  
In Societate humilitati ac labori  
assiduo se totum dedit; & si quid  
otij sibi superesse videret, petebat à  
superioribus a sellum & facultatem il-  
lum aquâ onustum per urbem agendi  
ac pro more patriam aquam vehendi.  
Sic enim aiebat se quoquo modo ef-  
fecturum ne segnis & iners pane pi-  
gris ventribus non porrigendo vesce-  
retur. Toto die sæpè ruri laborabat  
inter operas, cuius ex illis par con-  
tentione, & strenuè laborandi assidui-

Labar.

Humilit.

tate, ac frusto panis contentus. Illis  
etiam quiescentibus aliquid laboris  
inueniebat, nempe quod maiore labo-  
re dignum esset illud manu prerium  
seu merces, quam ille præ rusticis  
quærebat. Et tamen de se ipso quere-  
batur quod piger, quod Societati o-  
neri, quod pane quo vesceretur esset  
indignus. Cum procuratoris vices a-  
geret, pedes foras proficiscebatur et-  
iam ad 15. millia passuum intra dici  
spatium conficienda Redibatur aliquâ-  
do oliuarum sacco onustus sine pileo,  
sine pallio; & per vias magis frequen-  
tes videndum se propinans. Mater il-  
lius quidpiam lineæ supellectilis lotæ  
pro sacrario nostro attulerat, & Petro  
tunc

Humilit.